



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. Vtrum Deus directè vel saltem indirectè possit dici causa peccati?

[urn:nbn:de:hbz:466:1-77355](#)

DE CAVSIS PECCATORVM.

deret: At hoc non est dicendum; cùm Theologi communiter divident peccata in tria genera, scilicet in peccata ex infirmitate, ex ignorantia, & ex pura malitia, ut súpra ostensum est: Erat 2. & ex pura malitia, ut súpra ostensum est: Ergo nec illud.

Dicitur 1. Respondendo negando sequelam: Licet enim in omni peccato interveniat error practicus ex parte intellectus, sufficienter tamen distinguitur peccatum ex infirmitate, vel ex malitia, à peccato ex ignorantia, ex diversa scilicet dispositione prava, quæ est causa formandi iudicium illud erroneum in intellectu, & pravam electionem in voluntate: nam in peccatis ex ignorantia, ignorantia vincibilis & culpabilis est causa formandi tale iudicium, & pravam electionem; in peccatis ex infirmitate vel passione, passio vehementis obscurans intellectum, & ad se trahens voluntatem; in peccatis vero ex pura malitia, sola inordinatio & malitia voluntatis.

Circa alias causas interiores peccati, nempe appetitum sensitivum, & voluntatem, nulla occurrit celebris difficultas, vel controversia: constat enim causam immediatam peccati esse voluntatem, in qua libertas ut in propria sede residet; appetitum vero esse duntaxat causam illius mediatam & remotam (saltē si de peccato mortali loquamur) quia à passione appetitus, voluntas indirectè & per accidens movetur, quatenus scilicet passio iudicium rationis perturbat & impedit, quod impedit & perturbat, necesse est voluntatem, qua iudicium rationis semper sequitur, in agendo perturbari. Cuius rei rationem reddit Caietanus, quod passio appetitus sensitivi directè & per se moveat phantasiam, quæ est organum corporum; quæ mota & perturbata, necesse est perturbari intellectum, qui ab ea deponit species, quarum beneficio de rebus sensibiliibus & corporeis judicat; ideoque ipse intellectus alter de his rebus judicat quam oportet: quare cùm voluntas ab intellectu determinetur, non mirum si ipsa tunc perturbetur, & a recto tramite declinet. Unde in peccatis ex passione appetitus sensitivi procedentibus, hic reperitur ordo seu processus: bona sensibilia & externa in primis sensus externos alliciunt; deinde eorum sensitivæ apprehensione imaginatio excitatur; hæc vero appetitum sensitivum accendit & commovet: ex appetitus sensitivi commotio nephantasia moveatur & perturbatur; quantum & perturbata, obscuratur ratio, quæ ab actuali debitis regula consideratione cessat, & ab illa deviat, & in errore tandem ipsam trahit voluntatem, cuius aëtus liber & voluntarius peccatum per consensum consummat. Quod hoc lepido solet exemplo declarari: si lapillum in pellucidi fontis alveum projecteris, illico fusum illius æquor, ipso cristallo nitidius, turbatur, circulo primum efformato, qui alium ulterius circulum describit, hic denou alterum, donec tota fontis superficies, tñ veluti rugis, quod circulis horrescat. Non dispari ratione bona sensibilia & externa sensus movent exteros; his imaginatio excitata, appetitus commovet; appetitusphantasia, quæ turbat, perturbatur & obscuratur ratio; obscurata vero seu perturbata ratio, voluntatem ad peccandum trahit; hæc denique ex sua natura coeca, errantem rationem sequens, liberè suggestioni pravae consentit; quo actu peccatum complet, & consummat;

Tom. III.

A peccatum vero cùm consummatum fuerit, generat mortem, ut dicitur Iacobus 1.

Suos ergo parentes, suamque genitum habet peccatum: mater illius est concupiscentia, quæ teste eodem Apostolo, cùm conceperit, parit peccatum: pater est liberum arbitrium; semen matris est titillatio, sive delectatio, quam ingerit concupiscentia: denique illud concipiatur per suggestionem & delectationem, & generatur ac consummatur per consensum. Unde Gratianus in decreto dist. 7. ait quod tribus modis impletur omne peccatum, videlicet suggestione, delectatione, consensu: suggestione fit per diabolum; delectatio per carnem; consensus per spiritum. Quod declarat exemplo peccati primorum parentum, in quo serpens primò culpam suggestit; Eva velut caro delectata est; Adam vero veluti spiritus consensit. Similia habet D. Gregorius in cap. 3. Job.

ARTICVLVS III.

Vtrum Deus directè vel saltē indirectè possit dici causa peccati?

DE hac difficultate fuisse egimus in tractatu de voluntate Dei, unde breviter hīc **D**iscutiemus, & quæ docet S. Doctor qu. 79. exponemus,

§. I.

Duplici conclusione difficultas resolvitur.

Dico primò. Deum non esse, nec dici posse directè causam peccati. Ita D. Thomas hīc quæst. 79. art. 1. & 2. & de malo qu. 3. art. 1. & alibi passim.

Probatur ratione quam ibidem prosequitur: Peccatum nominat ens & actionem cùm quodam defectu, deformitate scilicet & malitia moralis, quæ entitatis actus adjungitur: unde ut aliquis dicatur, & sit rectè causa peccati, non sufficit quod producat entitatem, & actualitatem, quam de materiali importat, sed requiritur quod ipsum defectum, seu deformitatem quam dicit de formalis, attingat: Atqui Deus suâ motione & causalitate talen defectum & deformitatem non attingit, sed ab eo praescindit: Ergo non est, nec dici potest directè causa peccati. Major patet: nam hoc nomen *causa* appellat supra rationem, vel conceptum formalem cui conjungitur, ut constat cùm dicimus Petrum esse causam statui: non enim est sensus esse causam ligni vel argenti, sed figura artificiosa, quam hoc nomen *statua* pro formalis importat: Atqui hoc nomen *peccatum* de formalis importat malitiam, & deformitatem moralem: Ergo ut aliquis sit & dicatur causa peccati, non sufficit quod ejus entitatem & actualitatem producat, sed requiritur insuper, quod ejus causalitas ad deformitatem & malitiæ moralis, secundariò saltē & mediare se extendat. Minor autem in qua est difficultas, multipliciter suadetur: Primo ratione D. Thomas hīc art. 1. *Omne peccatum est per recessum ab ordine qui est in Deum sicut in finem: Deus autem omnia inclinat & convertit in seipsum, sicut in ultimum finem, sicut Dionysius dicit 1. cap. de divin. nomin. unde impossibile est quod sit fieri vice*

Gg

aliis causa discedendi ab ordine qui est in ipsum: A unde non potest directe esse causa peccati. Quam rationem sub aliis terminis proponit qu. 3. de malo art. 1. Peccatum (inquit) consistit in averse-
fione voluntatis creata ab ultimo fine: impossibili-
le est autem quod Deus faciat voluntatem aliqui-
cujus ab ultimo fine averti, cum ipse sit ultimus finis. Quid enim communiter invenitur in omnibus agentibus creatis, oportet quod hoc
habeant ex imitatione primi agentis, quod dat omnibus suam similitudinem, secundum quod capere possunt, prout Dionysius dicit in 9. cap. de divin. nomin. Vnumquidque autem agens crea-
tum invenitur persim actionem alia quodammodo ad seipsum attrahere, assimilando ea sibi, vel B per similitudinem formae, sicut cum calidum ca-
lificat, vel convertendo alia ad finem suum,
sicut homo per preceptum alios movere ad finem quem intendit. Est ergo hoc Deo conveniens, quod omnia ad seipsum convertat, & per consequens quod nihil avertat a seipso: ipse autem est sum-
mum bonum, unde non potest esse causa aversio-
nis a summo bono, in quo ratio culpa consistit.

34. Secundò probatur eadem Minor alia ratio-
ne, quam S. Doctor ibidem art. 2. & in 2. dist.
37. qu. 2. art. 2. fuse exponit. Defectus qui est in effectu causa particularis, non attribuitur causa universalis, quæ est in se perfecta & in-
deficiens, sed tantum causa proxima & defi-
cienti; licet perfectio ejusdem defectus in ipsam causam univalem reducatur: v. g. defectus fructuum in arbore, non in sole, sed in arboreum reducitur, licet copia & maturitas fructuum in solem referatur; defectus claudicationis in cur-
vitudinem tibiae aut obliquitatem itineris reduci-
tur, licet perfectio ambulationis in virtutem motivam referatur. Pari modo in moralibus de-
fectus aut deordinatio actus non attribuitur Deo, qui est causa indeficiens & universalis, sed libero arbitrio, quatenus in agenda recta ratio-
nis regulam non attendit, nec vulnus attendere.

Id alio exemplo declarat Dominicus Soto lib.
1. de natura & gratia cap. 18. his verbis: *Dum optimus scribendi artifex: sive incommodo calamo, sive in mala papyro scribit, ipse quidem est causa scripturae, malitia vero characteris referitur vel in calamum, vel in papyrus. Ita prorsus dum quis delinquit, Deus quidem cum homine est causa actionis, quatenus res quodam est; quod autem a lege declinet, solum imputatur libero arbitrio.*

35. Tertiò Minor principialis alia ratione suade-
tur: Deus per suam causalitatem id solum po-
test attingere, quod continetur intra objectum formalē suā omnipotētia: Sed formalē pecca-
ti intra objectum divinę omnipotētia non con-
tinetur: Ergo non potest à divina causalitate attingi. Minor probatur: Id solum conti-
netur intra objectum divinę omnipotētia, quod est ordinabile in Deum ut in ultimum finem; nam ratio primi principii & ultimi finis sibi mutuō correspondit, seu inter se conver-
tuntur: Atqui formale peccati non est ordinabili in Deum ut in ultimum finem, sed potius est recessus & deviatio ab illo ut fine ultimo: Ergo formalē peccati non continetur intra objectum divinę omnipotētia.

36. Ex his intelliges primò, juxta doctrinam D. Thomæ, peccatum sub ratione entis & actus esse à Deo ut movente, & non solum ut simulane concurrente. Nam S. Doctor loco citato de malo art. 2. querit, utrum actio peccati sit à

Deo? Et respondet affirmativè, si illa sub ratio-
ne entis & actus consideretur; probatque in ar-
gumento sed contra, ex Augustino 3. de Trinit. dicente quod voluntas Dei est causa omnium specierum & motionum: sed actus peccati est quidam motus liberī arbitrii: ergo est à Deo. Quo etiam discursu utitur hic art. 2. in argum. sed contra. Deinde in corp. art. citati id demonstrat dupli ratione; unā communī, defūcta ex eo quod Deus, cum siens per essentiam, debet esse causa omnis entis per participationem: alia spe-
ciali, quam sub his terminis proponit. Necesse est omnes motus causarum secundarum causari à primo movente, sicut omnes motus inferiorum corporum causantur à motu cœli: Deus autem est primum movens respectu omnium motuum & spiritualium & corporalium, sicut corpus celeste est principium omnium motuum inferiorum cor-
porum: unde cum actus peccati sit quidam motus liberī arbitrii, necesse est dicere quod actus peccati, in quantum est actus, sit à Deo. Ex quibus patet, juxta D. Thomam, peccatum, in quantum est actus & ens, esse à Deo ut movente, & non solum ut simul concurrente. Quam doctri-
nam didicit ab Alberto magno, suo magistro, qui in 2. dist. 3. art. 7 hæc scribit: Cū actus malus sit simpliciter actus egrediens à potentia activa perfecta secundum naturam, non egrediatur ab ea, nisi secundum quod moveatur à causa prima, alioqui sequeretur duo esse prima prin-
cipia. Quam sententiam ita certa esse existimat, ut oppositam tanquam hereticam à multis proscribit ibidem afferat: Hoc (inquit) opinio (negans actus malos, in quantum actus & entia, esse à Deo movente) que obinuerat plures antiquorum, fere cessit ab aula, & à multis moder-
norū reputatur heretica. Item Dominicus So-
to, ubi supra, expressè docet Deum præmoveare ad actum peccati, ut est actus & ens & addit hanc esse communem Theologorum senten-
tiam. Verba ejus sunt: *Haud equidem diffi-
cile Theologi, entitatis (ita vocant) que est pec-
catum, Deum esse causam, eo efficientia genere,
quo cuncta animantia & inanima ad suas na-
turalē actiones permoveat.*

Intelliges secundò, veram rationem, cur Deus concurrat ad peccatum, ut est actus & ens, absque eo quod ejus causalitas ad illius malitiam & deformitatem se extendat, non potius ex indifferentia divini concursus, ut Recen-
tiores existimant, sed potius ex summa & infi-
nita ejus perfectione, ratione cuius in nostris actionibus eas solum formalitates potest attin-
gere, quæ ad Deum ut ultimum finem sunt re-
ducibilis, & ex duabus rationibus seu forma-
litibus inter se identificatis, unam ab alia praescindere. Unde D. Thomas in 2. dist. 37.
qu. 2. art. 2. sibi hoc argumentum objicit: *Rei non assignatur causa efficiens secundum quod est in intellectu, sed secundum quod est in re: Sed quidam actus sunt, in quibus non potest separari illud quod est de natura actus à deformitate, nisi secundum intellectum, quia bene fieri non possunt: Ergo non causantur à Deo nisi secundum quod sunt sub illa deformitate.* Cui arguento sic respondet: *Ad quintum dicendum, quod sicut actio qua peccati deformitatem habet, dicitur bona, in quantum est actio, bonitate nature, non propter hoc quod aliquando inveniatur sepa-
rata à deformitate, sed quia bonitas illa natura deformitati substat: ita etiam Deus dicitur cau-*

A saeculus actionis, in quantum est actio, & non in quantum est deformitas, hoc modo quod actionem non facit à deformitate separatam, sed quia in actione deformitati conjuncta, hoc quod est actionis facit, & quod deformitatis non facit. Et si enim in aliquo effectu plura inseparabiliter conjuncta sunt, non oportet ut quod est causa ejus quantum ad unum, sit etiam causa ejus quantum ad alterum: sicut natura est causa oculi, quantum ad substantiam ejus, & non quantum ad defectum exercitatis, que ex natura defectum accidit. Ubi S. Doctor, ut salvet Deum non esse causam peccati, quamvis concurredit ad actus intrinsecè malos, ut sunt blasphemia, actus odii Dei, & similes, non recurrerit ad indifferentiam divini concursus, sed potius ad summam ejus actualitatem, & perfectionem, ratione cuius ita potest attingere & causare entitatem & actualitatem actus intrinsecè mali, ut ab ejus malitia & deformitate praescindat: sicut intellectus, ratione sua perfectionis & immaterialitatis, formalitates inter se realiter identificatas praescindit, & ita attingit verum, quod non se extendat ad bonum, quamvis identificatum cum vero: vel sicut influxus animæ moventis & applicantis tibiā claudam ad motum progettum, ita causat vitalitatem ipsius, ut ab ejus obliquitate & defectu praescindat. Unde inter motionem physicam & moralem hoc notable reperitur discriberi, quod physica est præcisa, & in actu ad quem movet, attigit solùm entitatem, actualitatem, vitalitatem, aliasque formalitates ad ordinem physicam & lineam entis pertinentes, abstrahitque à deformitate & malitia morali, quæ per accidentem ex defectiveitate creature rationalis ei adjungitur: moralis vero non est præcisa, sed terminatur ad actum ut vestitum omnibus circumstantiis, & secundum omnes conditiones & modos quos recipit ab operante; & ideo si actus ad quem movet sit malus, & regulis morum deformis, secundariò saltē & indirectè, ad ejus malitiā & deformitatem se extendit. Ex quo sequitur, Calvinum, utrumque genus motionis in Deo admittentem respectu malorum actuum, facere Deum authorem & causam peccati, & divinæ sanctitatis puritatem violare: scilicet vero Thomistæ, & alios physicæ prædeterminationis assertores, qui solùm primum genus motionis respectu illorum actuum in Deo agnoscunt, & docent concursum prævium, seu physicam præmotionem, præcisivam esse, & ita attingere ea quæ ad ordinem physicum & lineam entis pertinent, ut ad ea quæ ad genus moris spectant, & malitiā moralem exprimunt, nullatenus se extendat, ut in tractatu §. 10. de voluntate Dei fuisse expendimus.

B Dico secundò, Deum non posse dici causam peccati, etiam indirectè & per accidentem, sicut qui auferit columnam sustentantem lapidem, dicitur indirectè & per accidentem causa casus lapidis; vel sicut qui removet saltem præservantem carnes à corruptione, dicitur indirectè & per accidentem causa corruptionis illarum. Ita S. Thomas hinc art. 1. ubi sic discutit: *Similiter etiam neque indirectè (Deus est causa peccati) contingit enim quod Deus aliquibus non prebet auxilium ad evitandum peccata, quod si praberet, non peccarent, sed hoc totum facit secundum ordinem sua sapientia & justitia, cum ipse sit sapientia & justitia; unde non imputatur ei quod*

Tom. III.

C alius peccat, sicut causa peccati: sicut gubernator non dicitur causa submerzionis navis, ex hoc quod gubernat navem, nisi quando subtrahit gubernationem potens & debens gubernare. Quibus verbis clarissime conclusionem nostram & docuit & probavit. Ut enim id quod sequitur ad defectum actionis, alteri imputetur, & hic illius causa indirectè & per accidentem dicatur, tria requiruntur, scilicet quod possit, & debeat agere, & non agat, ut tradit idem S. Doctor supra qu. 6. art. 3. his verbis: *Non semper id, quod sequitur ad defectum actionis, reducitur sicut in causam in agens, ex eo quod non agit, sed solùm tunc cùm potest & debet agere: si enim gubernator non posset navem dirigere, vel non esset ei commissa gubernatio navis, non imputaretur ei navis submersio, que per absentiam gubernatoris continget.* De quo plura diximus in tract. de actibus humanis, ubi multis ostendimus, quod ut omis-
Diss. i.
sio & effectus ex illa sequuntur, voluntaria sint, requiruntur debitum seu obligatio ponendi actum qui omittitur: Atqui Deus nemini tenet dare auxilia efficacia à peccato præservantia, sed ad manifestandum suam justitiam, aut liberi arbitrii defectiveitatem, vel ob alios fines occultos suæ providentiae, justissime potest ea denegare, præfertim cùm illa sint mere gratuita & supernaturalia, subindeque omni creatura indebita: Ergo quamvis ea frequenter deneget, & ad illorum denegationem, seu subtractionem, infallibiliter sequatur peccatum; sicut ex suspensione divini concursus conservantis, infallibiliter sequitur annihilatione creature: Necesse est enim (inquit Innocentius 1.) ut quo auxiliante vinci-
Epist.
mus, eo iterum non adjuvante vincamus: non
25. ad
Concil.
Carth.

Quæres, an Deus possit dici causa non solùm permisiva, sed etiam positiva, execrationis & indurationis peccatorum?

Respondeo cum D. Thoma hinc art. 3. quod si execratio & induratio sumantur secundum quod important motum animi inherenter malo, & averbi à divino lumine, Deus non est causa illarum, sicut non est causa peccati: si vero sumantur ut dicunt subtractionem gratiarum, ex qua sequitur ut mens non illuminetur, & cor non emolliatur; Deus potest dici causa non solùm permisiva, sed etiam positiva earum; quia in hoc posteriori sensu, non sunt culpa, sed pena; pena autem est à Deo non solùm permisiva, sed etiam positiva; cùm positiva ab illo taxetur, & decernatur in punitionem & reparacionem præcedentis culpe, in quo causalitas quedam saltem moralis importatur, ut patet hoc exemplo: Si Petrus calu extra propriam patriam repperiretur, & ad illam redire non posset sine auxilio non debito alicuius Principis; is autem in penam alicuius criminis ab illo commissi, tale auxilium denegaret, volens & decernens ut exul permaneret, exilioque illo puniretur, jure talis Princeps dicetur punire Petrum tali exilio, & esse auctor & causa illius penæ, non propter aliquem influxum physicum in illam, sed quia eam definit & decrevit, atque ex ejus intentione auxilium ad rediendum in patriam denegavit. Cùm ergo pariter Deus ex intentione puniendo peccatorem decernat ei auxilia denegare, ex quorum denegatione sequitur ut mens ejus non illuminetur, & cor non emolliatur, censetur esse causa

Ggg ij

faltem moralis execrationis & indurationis ilius, non ut habent rationem culpæ, sed solum pœna.

S. II.

Solvuntur objections.

- 40.** **C**ONTRA primam assertionem objiciunt Hæretici quædam Scripturæ loca, in quibus nonnulla peccata Deo ut causa tribui videntur: Psal. 104. *Converterit cor eorum, ut odirent populum ejus.* Genet. 45. *Non vestro consilio, sed Dei voluntate, hoc missus sum.* Actorum 2. *Definio consilio & præscientia Dei traditum.* Item 2. Regum 16. dicitur Deum præcepisse Semeni ut malediceret David maledictione pessimâ. Denique Deus in Scriptura dicitur indurare, in errorem mittere, & obsecrare: Exodi 7. *Indurabo cor Pharaonis.* Isaiae 63. *Quare errare nō fecisti Domine de viatura?* Regum 22. *Dedit Deus spiritum mendaci in ore Prophetarum.* Addunt plura Augustini testimonia, præcipue locum illum libri 5. contra Julianum, ubi dicit quod *Deus operatur in cordibus hominum, inclinando voluntates eorum ad quodcumque voluerit, sive in bonum, sive in malum.*
- 41.** Respondeo primò his testimoniosis solum denotari, Deum causare peccata, quantum ad materiale, seu quantum ad entitatem & actualitatem, quam de materiali important: quod non sufficit ut Deus dicatur absolute causa peccati, sed solum cum hac additione & reduplicatione, *quatenus est actus & ens,* ut docet D. Thomas in 2. dist. 37. qu. 2. art. 2.
- 42.** Respondeo secundò cum eodem S. Doctore hic art. 1. ad 1. morem Scripturæ hunc esse, ut dicat Deum facere & imperare, quod duntaxat permittit & finit, ut patet ex illo Job. 4. *Dominus dedit, Dominus absolvit,* id est permisit auferri. Et Marci 10. dicitur: *Mosæ mandavit vobis libellum repudiæ;* cùm tamen Matth. 5. scribatur: *Mosæ permisit vobis libellum repudiæ.*
- 43.** Respondeo tertio, Deum interdum dici velle & decernere peccata, non quia velit eorum malitiam & deformitatem, sed quia ea in bonum finem refert & ordinat: nam ut ait Basilius homil. quod *Deus non sit author peccatorum,* quemadmodum medicus uititur veneno viperæ, quod ipse non fecit, ita Deus uititur malitia hominis, cuius tamen ipse non est author: sic usus est peccato fratrum Joseph, in bonum ipsius, & in bonum fratribus; malâ voluntate Judæorum, ad bonum redemptioris hominum; & quod mirabilis est, peccato Adami, ad Incarnationis mysterium peragendum. Unde Augustinus: *Ne putetis gratis esse malos in hoc mundo, & nihil boni agere de illis Deum: omnis malus aut ideo vivit, ut corrigitur, aut ideo vivit, ut per illum bonus exerceatur.*
- 44.** Objici deinde Suarez hic disp. 6. sect. unicâ num. 20. contra id quod diximus in primo collario, nempe peccatum sub ratione entis & actus esse à Deo ut movente, & non solum ut simultaneè concurrente. Si Deus moveat & applicet voluntatem ad actum, qui est peccatum, re vera est author peccati; quia licet directe solum applicet ad materiale, tamen ex vi illius motionis, ut hic & nunc sit à Deo, necesse est voluntatem exercendo illum actum peccare.
- 45.** Deinde hæc sententia videtur dare Lutheranis & Calvinistis quidquid volunt: nam ipsi non

dicunt Deum efficaciter movere hominem ad formale peccati, sed duntaxat ad materiale, ad quod infallibiliter sequitur formale.

Præterea, si per impossibile Deus posset esse causa peccati, nullo alio modo, aut magis efficaci & convenienti, id facere posset, quām physicè movendo & applicando voluntatem ad actum, à quo malitia inseparabilis est.

Tandem, si Deus moraliter & ex parte objecti moveret voluntatem ad actum peccati, verissimè diceretur author peccati; ut patet in Dæmonie, & in homine, qui non alio modo sunt causa peccati alterius: Ergo multò magis erit causa, si physicè & ex parte potentiae voluntatem ad illum actum applicet; motio enim physica, major & potentior est quam moralis.

Sed hæc parùm urgent, & facile dilui possunt. Ad primum enim negatur sequela. Ad cuius probatōnem dicendum est, quod sicut quando anima mediante potentia gressivâ movet tibiam claudam, camque applicat ad motum progettivum, necesse quidem est tibiam claudicare, sed hic defectus in curvitatē tibiae, non verò in animam moventem refertur; & quando scriba movent & applicat manum pueri ad formandos & delineandos characteres, licet in scriptura reperiatur aliqua deformitas, hæc tamen non attribuitur magistro moventi & applicanti, sed discipulo deficienti, & ab ejus directione & applicatione se subtrahenti; nec talis defectus provenit ex vi motionis & applicationis magistri, sed ex concurso & cooperatione discipuli: ita patiter licet Deus moveat voluntatem ad actum qui est peccatum, camque applicet ad materiale illius, id est ad producendam entitatem, actualitatem, vitalitatem, aliasque rationes ad ordinem physicum & lineam entis spectantes, & in Deum ut ultimum finem reducibles; ex vi tamen hujus motionis & applicationis, non provenit in actu peccaminoso malitia & deformitas, sed solum entitas, actualitas, & vitalitas; talisque defectus in solam voluntatem deficientem, & à reætitudine divina motionis se subtrahentem, debet refundi: quia, ut supra dicebamus, divina motione præcisiva est, & ita producit in actu voluntatis creatæ rationes in Deum ut ultimum finem reducibles, quod præscindat ab aliis quæ important deformitatem & defectum, & dicunt aversionem à Deo ut ultimo fine; objectum enim divinæ omnipotentiae est id duntaxat quod in Deum ut ultimum finem est ordinabile, cùm ratio principii & ultimi finis sibi mutuò corpondeant, & inter se convertantur.

Ad secundum nego Antecedens: Lutherani enim & Calvinistæ in primis docent Deum non solum physicè, sed etiam moraliter moveare voluntatem ad actus malos & peccaminulos, ut videtur est in Calvinio 1. inst. cap. 18. & lib. 2. cap. 4. Zuinglio serm. de pœnit. & Theodoro Beza aphorismo 38. affirmantibus Deum non tantum permittere peccata, sed etiam ea præcipere & mandare, ac utendo ministerio Dæmonum, instigare homines ad peccandum: præceptum autem, & instigatio, seu suspiro, ad motionem moralem pertinent. Deinde Lutherani & Calvinistæ talem admittunt motionem, qua non relinquunt in voluntate indifferentiam actionem, seu potentiam ad oppositum, sed solum spontaneitatem, seu immunitatem à coactione: ex quo evidenter sequitur, quod si in actibus voluntatis, ita mota & applicata à Deo,

In Psal.

54. *boni agere de illis Deum: omnis malus aut ideo vivit, ut corrigitur, aut ideo vivit, ut per illum bonus exerceatur.*

44. Objici deinde Suarez hic disp. 6. sect. unicâ num. 20. contra id quod diximus in primo collario, nempe peccatum sub ratione entis & actus esse à Deo ut movente, & non solum ut simultaneè concurrente. Si Deus moveat & applicet voluntatem ad actum, qui est peccatum, re vera est author peccati; quia licet directe solum applicet ad materiale, tamen ex vi illius motionis, ut hic & nunc sit à Deo, necesse est voluntatem exercendo illum actum peccare.

45. Deinde hæc sententia videtur dare Lutheranis & Calvinistis quidquid volunt: nam ipsi non

Tr
de
lu
Da
di
ara

DE CAVSIS PECCATORVM.

421

reperiatur peccatum, illud in Deum moventem, A
non verò in voluntatem motam refundendum
sit; quia voluntas creata non potest in suos actus
bonitatem vel malitiam moralem inducere, nisi
liberè, & cum indifferentia activa, seu potentiam
ad oppositum operetur: *Ibi enim* (inquit S. Do-
ctor in 2. dist. 24. qu. 3. art. 2.) *incipit genus mo-*
ris, ubi primò dominium voluntatis inventur.
Hæc autem quām aliena sint à principiis & do-
ctrina Thomitarum, quis non videat? Thomi-
stæ enim docent Deum non movere moraliter,
sed physicè tantum ad materiale peccati, & af-
firmant talem motionem relinqueré in voluntate
indifferentiam activam, seu potentiam ad op-
positum: unde toto celo à Lutheranis & Calvi- B
niis differunt, ut in *Apologia Thomistarum*,
Tractatui de Scientia Dei inferta, fusè ostendimus.

50. Ad tertium nego etiam Antecedens : cùm enim motio physica, ut sèpè diximus, sit præcisiva, & ad ea solum quæ ad ordinem physicum pertinent se extendat, non potest causare peccatum, quod est quidam defectus ad genus moris spectans, nisi sit conjuncta cum motione morali. Quare si per impossibile Deus posset esse causa peccati, non posset alio modo per alios illud causare, quâm moraliter & physicè simul mouendo voluntatem creatam ad actum peccati.

51. Ad ultimum, concessò Antecedente, nego consequiam. Ad cuius probationem dicendum est, quod licet motio physica sit major morali intensivè, id est potentior & efficacior, est tamen minor extensivè, quia, ut diximus, sicut intra ordinem physicum, nec se extendit ad ordinem moralem, sicut motio moralis. Unde hac argumenta contra Suarem, & alios scientia media assertores, facile retorqueri possunt: cùm enim illi doceant, Deum sèpè ponere homines in illis circumstantiis & occasionibus, in quibus per scientiam medium prævidit eos infallibiliter peccatueros, manifestum est, juxta illorum principia, Deum moraliter movere & prædeterminare homines ad peccandum, ut Lutherani & D Calvinistæ assertunt, subindeque esse causam peccati, quod ut ostendimus, in solam motionem moralem potest reduci. Nam sicut occasiones peccandi moraliter movent & incitant ad peccandum, juxta illud commune Gallorum effatum, l'occasion fait le larron : ita & qui ponit hominem in illis, moraliter ad peccatum moveare censetur, ut alibi fuisse expolitum.

moralem potest reduci. Nam licet occasiones peccandi moraliter movent & incitant ad peccandum, iuxta illud commune Gallorum effatum, *l'occasion fait le larron*: ita & qui ponit dum hominem in illis, moraliter ad peccatum movere censetur, ut alibi spes exposuimus.

De causa peccati ex parte Demonis, de qua agit S. Thomas qu. 80. nulla est celebris difficultas: certum est enim, Diabolus indirec^te solū & per accidens esse causam peccati: prim^d per modum proponentis objec^{tum} malum; secund^d per modum suadentis & allicentis, quando una cum objec^{tum} propositione excitat & movet appetitum sensitivum per passiones, aut phantasmum, quibus objec^{tum} reddit valde conveniens & optabile, & conseq^uenter rationibus quibusdam apparentibus, de^primitis ex phantasmis, intellectum decipit: intellectus vero sic deceptus, voluntatem ad peccandum trahit, ut explicat S. Doctor art. 1. & 2. illius questionis. Nunquam tamen potest Demon necessitatem peccandi voluntati inferre, quia eam non moveri nisi per modum proponentis objec^{tum} (non enim potest fundum anima seu voluntatis immediat^e persuadere & penetrare, cum hoc sit filius Dei qui eam creavit) nullum autem bonum

creatūm & delectabili, quamvis cum rationib⁹ validissimis voluntati proponatur, potest ei necessitatem inferre, cū non possit eam perfecte implere, seu plene satiare, iuxta illud Bernardi: *Animam capacem Dei, quidquid enim minus fuerit, non impletib⁹; & itud: Anima rationalis ad imaginem Dei creata, ceteris rebus occupari potest, satiare non potest.*

DISPUTATIO VII.

De peccato originali.

Ad questionem 81. & duas sequentes.

INTER causas peccatorum extrinsecas, ultima est homo, qui duplicitate potest ad alienum peccatum concurrere, nempe per modum proponentis & suadentis (qui modus est ei communis cum Dæmonie, & ideo de eo D. Thomas specialem noluit instituere quæstionem) & ut principium generationis, culpam simul cum natura traducens, qui modus est proprius solius hominis, non cuiuscumque, sed primi parentis; qui cum esset à Deo constitutus caput naturæ humanae, totam illam in se peccando vitiavit, & sic vitiatam, per seminalē propagationē in posteros transfudit: & de ista causa fusè differit S. Doctor à quæst. Si. usque ad 84. existentiam, essentiam & subjectum peccati originalis exponens. Ejus vestigiis inherentes, hæc tria in hac disputatione elucidare conabimur. Addemus etiam aliiquid de pœna debita originali peccato. Porro hæc disputatio maximi ponderis est & momenti, cum ex cognitione peccati originalis dependeat præcipuum fidei articulorum notitia. Unde egregie Augustinus lib. de peccato origin. contra Pelagium & Coelestium cap. 24. In causa duorum hominum, quorum per unum veniunt datus sumus sub peccato, per alterum redimimur à peccato: per unum præcipitari sumus in mortem, per alterum liberamur ad vitam, propriæ fides Christiana conficitur. Et lib. 5. contra Iulian. cap. 2. asserit quod adeo est necessaria peccati originalis notitia, ut qui illud negant, ipsa fidei fundamenta nitantur subvertere.

ARTICVLVS PRIMVS.

An sit peccatum originale?

E **C**V M quæstio an est, juxta Aristotelem pra-
mitti debeat quæstiōni *quid est*, peccati
originalis existentiā adversus Pelagianos de-
monstranda est, priusquam ejus naturam &
quidditatem explicemus.

§. I.

Error Pelagij proscriptur.

TRADUCTIONEM peccati Ada in ejus posteros negarunt olim Pelagius, & ejus discipuli Celestius & Julianus, ut refert D. Augustinus variis in locis. Qui error quinque potissimum propositionibus constabat. Prima